

Dena Ho To Deejiye Janam Janam Ka Saath | by Mukesh Bagdad

Mere Sir Par Rakh Do Baba Apne Ye Dono Haath
Dena Ho To Deejiye Janam Janam Ka Saath

Dene Wale Shyam Prabhu To Dhan Aur Daulat Kya Maange
Shyam Prabhu Se Maange To Phir Naam Aur Izzat Kya Mange
Mere Jeevan Mein Ab Kar De Tu Kirpa Ki Barsat
Dena Ho To Deejiye.....

Shyam Tere Charno Ki Dhooli Dhan Daulat Se Mehngi Hai
Ek Nazar Kripa Ki Baba Naam Izzat Se Mehngi Hai
Mere Dil Ki Tamanna Yahi Hai Karu Sewa Teri Din Raat
Dena Ho To Deejiye.....

Jhulas Rahe Hain Gham Ki Dhoop Mein Pyar Ki Chhaiya Kar De Tu
Bin Maa'jhi Ke Naav Chale Na Ab Patvaar Pakad Le Tu
Mera Rasta Roshan Kar De Chhayi Andhiyari Raat
Dena Ho To Deejiye.....

Suna Hai Humne Sharnagat Ko Apne Gale Lagate Ho
Aisa Humne Kya Manga Jo Dene Mein Ghabrate Ho
Chahe Jaise Rakh Banwari Bas Hoti Rahe Mulakaat
Dena Ho To Deejiye.....

<https://bhaktivandana.com/lyrics/%e0%a4%a6%e0%a5%87%e0%a4%a8%e0%a4%be-%e0%a4%b9%e0%a5%8b-%e0%a4%a4%e0%a5%8b-%e0%a4%a6%e0%a5%80%e0%a4%9c%e0%a4%bf%e0%a4%af%e0%a5%87-%e0%a4%9c%e0%a4%a8%e0%a5%8d%e0%a4%ae-%e0%a4%9c%e0%a4%a8%e0%a5%8d/>